

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADONAČELNIK

Broj: 07- 590-I /20
Datum: 12.06.2020.

Na osnovu Odluke o proglašenju budžeta Grada Srebrenik za 2020. godinu („Službeni glasnik Grada Srebrenik“, br.3/20) i člana 11. Privremene Statutarne Odluke Grada Srebrenik („Službeni glasnik Grada Srebrenik“, br.1/19) gradonačelnik objavljuje:

JAVNI POZIV
za finansiranje biznisa za marginalizirane grupe žena

Program podrške marginaliziranim grupama žena u razvoju biznisa ne predstavlja samo takmičenje između projekata za novi biznis, nego je usmjeren ka poticanju žena da same osnivaju preduzeća ili obrt.

Organizaciju ovog programa vodi Grad Srebrenik na temelju ciljeva iz strateških dokumenata Grada Srebrenik. Ovim programom su definirane pojedinosti u smislu uvjeta za učešće na takmičenju, organizacije takmičenja i načina za odabir pobjedničkih ideja, kao i sklapanje ugovora za one koji odluče krenuti s realizacijom dostavljenog poslovnog plana.

Grad Srebrenik raspisuje ovaj Javni poziv na temelju Preduzetničkog fonda za žene nastalog udruženim sredstvima Grada i USAID-ovog Programa podrške marginaliziranim grupama (PPMG). Sredstva za finansiranje biznisa po ovom programu obezbijeđena su na budžetskoj poziciji 615311-10 Učešće grada u projektima na implementaciji Strategije razvoja Općine Srebrenik.

Ko može aplicirati?

Na konkursu mogu učestvovati žene, pojedinačno ili u grupi, koje se u momentu podnošenja prijave ne mogu okarakterisati kao preduzetnice odnosno vlasnice registriranog biznisa i ranije to nikada nisu bile. Prijave mogu podnijeti punoljetne osobe, s prebivalištem na području grada Srebrenik koje imaju poslovnu ideju i žele je realizirati kroz započinjanje vlastitog poslovnog poduhvata na području grada Srebrenik.

Javni poziv se raspisuje za podršku razvoju mikro, malih i srednjih preduzeća, osnivanju obrta i trgovačkih radnji koje su usmjerena na promociju domaćih proizvoda u turističke svrhe, žena žrtava nasilja, samohranih majki, nezaposlenih mladih žena mlađih od 35 godina, žena s invaliditetom ili s djetetom s invaliditetom, te žena koje su na neki drugi način marginalizirane.

Sredstva za realizaciju po ovom programu obezbijeđena su na budžetskoj poziciji 615311-10 Učešće grada u projektima na implementaciji Strategije razvoja Općine Srebrenik, kao i na pozicijama USAID/PPMG namijenjenih za realizaciju ovog programa.

Ukupan iznos udruženih sredstava namijenjenih za realizaciju ovog programa je 50.000,00 KM.

Minimalan iznos sredstava na koji korisnice mogu aplicirati je 5.000,00 KM, a maksimalan iznos sredstava koji se može dodijeliti za odobren poslovni plan je 8.000,00 KM.

Aplikantice kojima budu odobrena sredstva za finansiranje biznis plana po ovom programu neće moći konkurisati po istom osnovu za druge programe, koji se finansiraju iz sredstava Grada Srebrenik (novčana podrška za osnivanje i registraciju novih obrta u 2020.g. i dr.)

Očekuje se i ohrabruje prijavljivanje i učešće timova u kojima je oko jedne poslovne ideje okupljeno više žena. Šansa da poslovni plan bude realiziran, uz saglasnost podnosioca plana veća je ukoliko biznis plan bude imao sve relevantne i realne pokazatelje uspješnosti. Jedan tim, odnosno samostalni podnosilac, može prijaviti više poslovnih planova. Ista osoba ne može biti član dva tima, niti istovremeno prijaviti ideju kao samostalni podnosilac i biti član jednog tima.

Prednost kod odabira poslovnih ideja imat će obrti/samostalni preduzetnici, te trgovačke radnje koje promovišu domaće proizvode u svrhu razvoja turizma zbog brzine i jednostavnosti registriranja u odnosu na druge oblike registracije privredne djelatnosti.

Registriranje poljoprivrednog gazdinstva se ne preporučuje, ali ako je nužno i opravdano podržat će se u obliku komercijalnog poljoprivrednog gazdinstva.

Ko ne može aplicirati?

Javni poziv je namijenjen podršci marginaliziranim grupama žena, te se prijave pojedinaca ili tima u kojem je voditelj tima muškarac neće uzeti u razmatranje. Nepotpune i neblagovremene prijave se neće uzimati u razmatranje.

Aplicirati ne mogu žene koje su ranije bile vlasnice nekog biznisa, čak i ako je taj biznis u trenutku podnošenja prijave na Javni poziv objavljen.

Kakva ideja se može obraditi kroz poslovni plan?

Ideja koja se prijavljuje mora se obraditi kao poslovni plan, ideje u svim djelatnostima osim trgovine i ugostiteljstva (izuzev originalnih ideja vezanih za turizam i domaće proizvode), pod uvjetom da se realizira na području grada Srebrenik.

Komisija će izvršiti vrednovanje poslovnih planova prema jedinstvenim kriterijima.

Kriteriji za vrednovanje poslovnih planova

a) Pozitivni kriteriji:

- da je ispoštovana procedura za pisanje poslovnog plana;
 - da se poslovni plan realizira na području grada Srebrenik;
- da će biznis djelovati u sektorima privrede (obrti i turizam) i poljoprivrede (promocija domaćih proizvoda i proizvoda ruralne sredine) za kojima postoji potreba;
- da realizacija biznisa ne ugrožava životnu sredinu i da je u skladu sa svim važećim zakonima i drugim propisima o zaštiti životne sredine.

a) Kriteriji za ocjenu kvalitete poslovnog plana u okviru sljedećih segmenata (detaljnije obrazloženi u okviru obrasca za ocjenjivanje poslovnog plana):

- poslovna ideja
- broj zaposlenih
- proizvod / usluge
- analiza tržišta
- marketinški plan
- finansijski plan i investicioni plan

c) Eliminatorni kriteriji:

- poslovni plan nije dostavljen u naznačenom roku;
- nedostaju formalni uvjeti za kandidiranje poslovnog plana (nepotpuna ili netačna

- dokumentacija);
- poslovni plan nije popunjen u potpunosti;
- biznis se ne realizira na području grada;
- biznis je ranije bio registriran u vlasništvu aplikantice i nakon toga odjavljen;
- članovi uže porodice aplikantice ostvaruju prihode veće od prosječne plaće u FBiH;
- aplikantica je osuđivana za krivična djela protiv privrede i krivična djela protiv imovine.

Obrazac za ocjenjivanje poslovnog plana

Vrsta djelatnosti

Proizvodnja (obrti, polj. obrti i dr.)	40
Intelektualne usluge	30
Usluge	20
Ostalo	10

Broj zaposlenih

1–3	10
4–8	20
9–15	30
Više od 15	40

Ocjena poslovne ideje

Odlična	30
Dobra	20
Uvjetno dobra	10

Ocjena biznis plana

Odličan	20
Dobar	10
Uvjetno dobar	5

Investicije (vrsta)

Vlastite	15
Kredit	10

Investicije (vrijednost)

< 10.000 KM	15
10–25.000 KM	10
> 25.000 KM	5

Utjecaj na okolinu

Ekološki čista proizvodnja	15
Potrebna reciklaža	5

Inovativnost

Djelatnost ne postoji	30
Djelatnost slabo zastupljena	20
Djelatnost postoji	10

Javni poziv je otvoren od 15.06.2020. godine, a prijem aplikacija će se vršiti do 30.07.2020. godine.

Druga faza

Objava rezultata javnog poziva izvršit će se do 30.08.2020.g.godine, nakon čega će se donijeti konačna odluka o izboru.

Treća faza

Sklapanje ugovora s podnosiocima zahtjeva u kojima će se definirati prava i obaveze Grada Srebrenik i podnosioca aplikacije izvršit će se do 30.09.2020.g.

Ugovor sa odabranim aplikanticama će se potpisati na maksimalan period od godinu dana. Odabrane aplikantice će imati ugovornu obavezu da u roku od maksimalno dva mjeseca (60 dana) od dana potpisivanja ugovora pravno registriraju svoju djelatnost. Odabrane aplikantice će imati ugovornu obavezu da budu vlasnice registrirane djelatnosti i uposlenice te djelatnosti.

Tajnost i povjerljivost plana

Da bi se zaštitili svi podnosioci aplikacija i onemogućila zloupotreba povjerljivih informacija izloženih u poslovnim planovima, članovi Komsije za ocjenjivanje i zaposleni Gradu Srebrenik, te druge osobe koje su uključene u realizaciju ovog programa obavezuju se na zaštitu povjerljivosti i tajnost.

Podrška Grada Srebrenik i USAID/PPMG-a

Grad Srebrenik i USAID/PPMG će tokom javnog poziva osigurati edukaciju za sve zainteresirane u pogledu popune obrasca aplikacije i odgovoriti na sva dodatna pitanja. Termin edukacije će biti naknadno određen.

Grad Srebrenik i USAID/PPMG za uspješno ocijenjene bisnis planove može osigurati:

- troškove registracije firme,
- dio ili u cijelosti troškove zakupnine prostora u prvoj godini obavljanja djelatnosti,
- dio ili u cijelosti trošak zdravstvenog i penzionog osiguranja u prvoj godini obavljanja djelatnosti,
- troškove kupovine određenih materijala, sirovina, mašina i sl. potrebnih za obavljanje djelatnosti,
- troškove usluga u vezi s obavljanjem djelatnosti.

Ciljevi javnog poziva

Probuditi preduzetnički duh među marginaliziranim grupama žena; motivirati početnice i kreativne pojedince s inovativnim i provedivim poslovnim idejama; obuka o procesu stvaranja novih poslovnih mogućnosti; omogućiti ženama stvarno pokretanje vlastitog posla.

Kontakt: Služba za poduzetništvo, lokalni razvoj i investicije

Telefon: 035 366 438

E-mail: poduzetnistvo@srebrenik.ba

Web: www.srebrenik.ba

Prijave slati na adresu: Grad Srebrenik, Služba za poduzetništvo, lokalni nadzor i investicije, s naznakom „Za Komisiju za dodjelu sredstava u sklopu Programa podrške marginaliziranim grupama žena u razvoju biznisa“, ulica Varoških polja bb, 75350 Srebrenik ili lično predati u šalter sali Grada.

Dostavljeno:

1. Oglasna ploča Grada Srebrenik
2. Službena web stranica Grada Srebrenik
3. Služba za poduzetništvo, lokalni nadzor i investicije
4. A/a

GRADONAČELNIK:

Dr sci Nihad Omerović